



Igls victurs digls matatschs S14: Janik Ardüser (2.), Leon Demont (1.) a Lucas Beeli (3.)



Las victuras da las matatschas S8: Gina Mengelt (2.) a Giulia Mengelt (1.)

Igl biatlonsprint da Spleia

La dumeingia an dumàn, igl eara ànc fred a Spleia, igl tschiel blau ad igl sulegl ca splendorava segls fils, anunztgànd egn grandius gi d'ir cun skis. An la remisa e'gl vagnieu repartgieu las numras da parten-za a sarvieu bavràndas tgòldas agls biatlets.

Damains partizipànts

Igl biatlonsprint tradiziunal à antschieu. Mo uon e'gl rivo egn diember da partizi-pànts sut la media d'oters ons, cartevla-meing parveia d'otras ocurenzas da sport agl Grischùn. Tànt daple en carschidas las ambiziùns digls preschaints da cuntànscher egn post segl podest: Me tgi ca fa part, à quella schànza! La grànda part digls sportists giuven a carschieu en vagnieus da la Tumleatga, da Schons a da la Valragn, anvidos digl Club da skiünzs Tambo Spleia.

Tecnica libra

Igl biatlonsprint e egna cursa a curta distànza an tecnica libra. Anzaquànts en parcurieus an tecnica classica. Suainter la partenza agl plàn digl Lösli e savundada egna curta aszensiùn antoca la Parschada. Suainter e'gl ieu par lùng d'egna spunda ad angiou anviers la valada, noua c'igl e sto d'antschever la savunda runda digl sprint.



Lian Heinz (anada 2017) e partieu pigl biatlonsprint.

FOTOS SC TAMBO SPLEIA

Pér là e'gl sto da sagitar. Igl ple tard a là e'gl puls carschieu pigl tredubel. Tutegna e'gl sto da mantaner egn màn ruas-sevel. Igl e sto da dar tschentg plùnts a distànza curta, assistieu da tiraduras a catschadurs experimantos. Mintga tir falo caschùna egn suplemaint da 10 secundas. Parquegl e'gl sto da ponderar, tge ca vali daple pigl tains total da sagitar dabot near d'aver ampo daple pazentzga. Suainter egna curta curida en ign alura rivo agl final, ratschier d'aplaus fervent a musica da rock.

Christian Calonder à gudagnieu

La rangaziùn e vagnida fatga suainter la marena cun salata d'hardefels a liongias da Spleia, giuididas an bùna cumpagneia.

Igl miglier tains digl gi à cuntanschieu *Christian Calonder* cun 6:06 minutas. Igls curiders pintgs a grànds en stos tut cuntaints da lur prestaziùns: Igl à do me victurs da que balteztgas gi da biatlon.

La proxima ocurenza da sport e igl trenamaint da passlùng cun tgàns da schliusas. Daple infurmaziùns a la clasificaziùn en da catar sen la pagina: sc-tambospluegen.ch.

Stefan Mühlemann, translaziùn da Bartolome Tscharner

RECLAMA

FMR
 VITAMIN R
 LECTURA RUMANTSCHA

